

Sigle: O

Aufbewahrungsort: Landesbibliothek Oldenburg

Signatur: Cim I 74

[1r,01]ANcelmus was ein heilich man

De hadde langhe darna ftan

Dat he gherne hedde weten

Wat vnfe here hedde befeten

Nv moghe gi horen wu he dede

he was ftede an finem bede

Beide nacht vnd dach

An finer venigen dat he lach

he fprak maria bloygende rofa

Lylia vnd fittilofa

Goddes dure balfmenfchrin

Lat mir hute dir werden fchin

Dattu mir moteft rede faghen

van finen iammerliken plaghen

Ik wolde nv in differ ftunde

horen vt dines fulues mvnde

wat vnsem heren is befcein

Dattu mit oghen haft gesein

konde ik vrowe dat irweruen

Denne fo welde ik gerne fteruen

Diffes plach he mannich jar

Tolesten wart fe ome openbar

Dar fe one an finem bede vant

Se fprak to ome altohant

Ancelme fint ik han vornomen

Din bed fo bin ik hergekomen

van dem himele to di

Nv faghe wat du willeft my

Do ancelmus dat vornam

Dat maria to ome quam

he wart vorfcrich do he fe fach

Tohant maria to ome fprach

Ancelme nv en vrochte nicht
[1v,01] Lat mi der rede fin berich
wurvmme dattu mi haft geladen
Nv sprik mi to di fcal nicht fchaden
Ancelmus de vel vp de kne
Ome was wol vnd ome was we
Ome was leue vnd ome was leyde
Vil weinende sprak he diffe rede
Maria reine konninghinne
Ik gere mit alle minen finne
Dat ik gerne wolde wetten
wat din fone hat befeten
wu he to dode fi gekomen
want ik werliken han vornomen
Do ome de marter erft gefcach
Dattu nacht vnd dach
Stete bi ome bift gebleuen
De ewangeliften hebbet gescreuen
Malk wat he hat geseyn
Mer fe en draghen nicht ouerein
Se hebbet gewefen to vnd van
Darvmme fo en weit ik neinen man
De mi de warheit moghe saghen
Van finem jammerliken plaghen
De ome toquemen algemeine
Wan du leue vrowe alleine
Darvmme fo wil ik vraghen di
Vil edele vrowe berichte mi
Ancelmus du bekereft mi vil fere
Ik wil di faghen eine mere
De fcoltu vil wol vorftan
Vnd louen or al funder wan
Scolde ik di faghen de groten not
Darvmme min fone leyf den dot
[2r,01] Wu de iodden one venghen
So jammerliken one henghen

Scolde ik dat algemeine spreken
Min herte moeste daarvan tobreken
Dat ik mit minen oghen ansach
Wan dat ik nicht troren en mach
Sint dat god min eghene troft
Mi vri van forghen hat geloft
Nu wil ik di der warheit gheyn
Allent dat ik han gefein
Maria erft wil ik di vrighen
Ik bidde dattu mi willeft sghen
Wu quam it erft to den pranghen
dat din sone wart gevanghen
Ancelme hore dat ik di sghen
dat schude an dem guden donersdaghe
dat he mit sinen jungheren saet
Lepliken dat he mit ons aet
he gaf ons sin vleisch vnd ok sin blut
dat he fedder vor vns got
he dede ok mer dorch sine gheyte
he dwoch ons allen ore voyte
do he ons de vrote hadde dwaghen
he begunde jammerliken claghen
he sprak ik saghe iv dat vorwar
he fit alhir an differ schar
de lepliken mit vns et
vnd my hute vorret
We om he wert darvome verloren
he were bat al vngboren
Maria disse fwaren word
Do de de jungheren hadden gehord
[2v,01] Wer sloghen se de houede nedder
Eder spreken se dar wedder
do se horden disse rede
Ene was so jammerliken lede
Er ein de sach den anderen an
johannes de was so fere bestan

Dat he was alfe ein dode gefcapen
Vp goddes bruft wart he vnflapen
Se repen alle leue here
Saghe vns den rechten droghenere
lat it wesen vns bericht
Ein jewelk fprak bin ik des icht
Peter fprak meifter min
Ik weit dat ik des nicht en bin
Nvmmer wil ik dir afftan
Ik wil mi laten mit di van
Ok fpreke ik dõt des not
Ik wil ghan mit di *in* den dot
Maria wat fprak vnfe here
do fe vorfakeden aldus fere
Vnd do he diffe groten word
Van funte peter hadde gehord
he fprak peter ik wil di faghen
Du fcolt noch fo fere vorzaghen
Dat wil ik vorware fpreken
Du fcolt drige mir vorfeken
Er hanenkracht ok fcaltu ihein
Du en haft mir nv gefein
Maria do fe de rede dreuen
wur was iudas do gebleuen
Iudas de leip altohant
Dar he de vorften der jodden vant
[3r,01]he fprak gi heren wat wil gi mi gheuen
Ik hebbe iv ein dingh gedreuen
Ik wil iv wifen einen man
Darna gi langhe hebbet geftan
Minen heren *Jesum* crift
Do gheuen fe ome mit groter lift
Drittich penningh an fine hant
He fprak gi fcullet fin bekant
Dat vnfe meifter ihesus
vnd fin junger jacobus

Sint fo lik an orer bere
Dat gi *kvnnen* *nvmmermere*
Or antlat vndertwischen scheiden
Dar*vmme* fo sculle gi darna beiden
Wene ik kuffe vor finen mvnt
Den sculle gi an derfuluen frunt
Mit harden dinghen taften an
dat is de recht sculdige man
liffliken scole gi one leyden
Dat he nicht moghe van jv scheiden
Maria wur was din fone gebleuen
Do judas dit hadde gedreuen
Min fone gingh an einen gharden
Dar heit he sine jungheren warden
he sprak ik wil van iv ghan
vnd beden minen vader an
Gi scullen waken vnd beden
dat gi an neine bekoringe treden
Maria wat weren sine bede
de he to finem vader dede
[3v,01]Ancelme ome was fo rechte we
he fette sich nedder an de kne
he sprak vader milde god
Ik mot vorvullen din gebot
Ik bin bedrouet want *in* den dot
van der jammerliken not
De mir hute is bereit
Van der joddeschen deit
Ik bidde di leue vader myn
Mach dat an dinen hulden fin
Dat mi de pine voregha
vnd ik de pine nicht befta
Do nochten vater wu dat fi
din wille gefche an mi
Ik wil der pine nicht vntvljn
wat du gebedeft dat scal schein

Maria nu wolde ik sin bericht

wer wart he getwidet icht

Ein stemme antworde ome dar wedder

van dem himele dardedder

De sprak du scolt ftete wesen

Du scolt der marter wol genesen

Din vader wil dorch dinen dot

den mynschen lofen vt der not

Maria wes dede he de bede

was ome van anghefte also lede

dat he vrochte also fere

Sint he was god vnd here

Ancelme dat wil ik di faghen

Dor dre dingh moeste he vorzaghen

dat eerste dar he vmme hat vorzaghet

Sin moter was ein reine maghet

[4r,01]De hadde one cleinlik vpgetoghen

juncurowen brufte hadde he gefoghen

he was ok van konninghes flechte

Darvmme so scolt an dem rechte

Edele lude werden se geslaghen

De kundet vele wers vordraghen

wanne groue lude dit was de not

Darvmme he vruchtet hat den dot

Maria nu wil ik di vraghen

De anderen sake scoltu mi faghen

De ander sake de was dat

Dar he vore vrochtet hat

De angheft dede ome fulke not

Dat van finem liue vlot

Swet dat was dat clare blot

Dat vor ome an der erden ftot

Maria nu berichte my

wat de dridde sake fy

dat wil ik di faghen altohant

al dingh was ome wol bekant

he was god vnd sach dat leit
Dat finem liue was bereit
he wifte ok wol dat on de joden
jammerliken wolden doden
hirmme fo was he fere beftan
vnd bedede finen vader an
Maria dit hebbe ik wol gehord
berichte mi der rede vord
Do he leit van finem bede
he gingh wedder an de ftede
Dar he fine jongeren wufte
Or ein lach vp des anderen brufte
[4v,01]Vnd weren jammerliken gefchapen
van grotem leide vant he fe flapen
he fprak in to mit finem mvnde
wu node dat gi eine jneghe ftunde
wakeden fo ik iv hadde gebeden
Seit judas de kumpt her getreden
Deme en gheit neyn flapent an
Mit einem kuffe wel he mi van
Maria leue vrowe feghe
wu brachte judas dat toweghe
An der orkunde dat gefcach
Do judas minen fon en fach
de jodden ftunden bi ome hart
he quam ok lopende mit de vart
Recht alfe ein douendich hunt
he kufte on dar vor finen mvnt
he fprak got grote di meifter myn
Min fone fprak dit mofte fin
Dattu mi fcoldeft aldus vorraden
De jodden quemen her gewaden
Mit kulen vnd mit fcharpen fperen
Min fone fprak wene foke gi heren
Se fpreken jhesum den foke we
he fprak ik bin it do vellen fe

Twige vp de erden dale
Min fone ſprak to dem dridden male
Soke gi mi ſo vat mi an
vnd latet mine jungheren ghan
Tohant do wart he angegrepen
vnd wolden mit ome henneslepen
Maria nv berichte mi
weren de jungheren al darbi
Do on de jodden grepen an
[5r,01]Edder weren ſe van ome geghan
Ancelme dar beif nicht ein man
Se weren al van ome geghan
he ftunt alleine vtgeſchert
Mer peter hadde dar ein fwert
Datfulue ruckede he darvore
vnd hev einem jodden af ſin ore
Do min fone dat gefach
he makede one gefunt vnd ſprach
To petere diſſe fuluen rede
Stik din fwert an ſine ftede
we mit fwerden wille kiven
De ſcolen dot darvnder bliuen
wunſte des wolde ik mi weren
Ik woldich vele bat vntueren
Behouede ik to hulpe jengher lute
Min vader fende mi wol hute
wol twelfduſent engelfchare
De ſcolden mi weren openbare
Maria ftundeftu bi ome hart
do he ſus geuanghen wart
Ancelme du ſcolt ſin bericht
Ik en was dar leider nicht
Ik was ſin worden bifter
To iohannes moter miner fufter
was ik an dat hus geghan
Darvme ſo wifte ik dar nicht van

Maria haddeftu fin vorteghen
wu mochte din herte dat vordreghen
dat me one toch alfe einen deif
Sint he di was fo rechte leif

Ancelme hore do dit gefcach
Do was van hinnen ghan de dach
[5v,01]It was fpade vnd dūfter
Ik was fin leider worden bifter
wur ik one foken konde
Ok wu node ik ene ftunde
hedde vp minem stole gefeten
hedde ik finer nicht geweten

Maria nv du dar nicht van
wifteft we leit it di vorftan

Hore nv jammerlike not
wu fachte men dat mir vnbot
De jungheren quemen hergelopen
So rechte jammerliken geropen
Malk de reip vt finem mvnde
Owe der jammerliken ftunde
Dat we worden jv geboren
Maria nv is ir al verloren
De jodden hebbet an diffen ftunden
Den konningh geuanghen vnd gebunden
leider des weit vnfer neyn
wur fe mit ome henneteyn
Der warheit kvnne we di nicht faghen
wer fe on hebbet dot geflaghen
Se toghen one hen alfe einen deif
We wetten nicht wur dat he bleif

Maria was di icht lede
Do du hordeft diffe rede

Ancelme dat mochteftu wol prouen
wer ik mi icht mochte bedrouen
Min herte wolde mi tobreken
Min mvnt enkonde nicht mer fpreken

Ik enkonde horen edder fein
Nicht draghen wolden mi de bein
[6r,01]Do weren vullenkomen de word
De ik vom hern fimeon hadde gehord
Do ik na dem alden fede
Min kint brachte to der kerken mede
vnd ik an de kerken gingh
Simeon min kint dar vmmeuingh
An fine arme vnd sprach
Maria du leueft noch den dach
Dat van jammer vnd smerte
Ein fwert fnidet dor din herte
Ancelme dat was do gefchein
Do ik den kvmmmer hadde gefein
Do quam an derfuluen ftunt
Ein fwert an mines herten grunt
Maria wes leteftu one van
En weldeftu nicht na ome ghan
Do ik hadde diffe word
Swarliken van den jungheren gehord
Ik vnd maria Magdalene
lepen an der ftunt allene
want we an de ftede quamen
dar we minen fonen vornamen
Maria berichte nu der rede
was id an derfuluen ftede
Dar he des auendes hadde feten
vnd mit finen jungheren gegheten
Ancelme hore dat fcoltu wetten
Ein de was annas geheten
An fin hus wart he gebracht
Dar bleif he de langhen nacht
Dar vrageden fe one vmme fine lere
[6v,01]Ok wer he goddes fone were
he sprach wat is dat gi mi vraghet
Ik hebbe openbare faghet

Nicht fillich weren mine word
It hat mannich man gehord
De wettent wol den moghe gi is vraghen
De scolen iv de warheit faghen
Maria nv wolde ik di vraghen
wart he van annas icht geflaghen
Ancelme dat fi di gefecht
Bi ome ftunt ein fnode knecht
De floch min kint an fin ore
he fprak wer biftu ein dore
fcoltu dem biscoppe also tofpreken
Dat wil ik hute an di wreken
Min fone fach den jodden an
he fprak ome to du junghe man
hebbe ik ouel di gefproken
Dat haftu an mir gewroken
Oft ik nicht arges fproken han
wurvme fleiftu mi dan
Maria faghe mi vorbat an
wat wart dar mere gedan
Se namen einen witten toch
vnd deden ome grot vngeuoch
Se bunden ome fine oghen to
De nacht went an den morghen vro
Dat he mit oghen nicht en fach
Ome wart fo mannich fware flach
Welke tid fe one hadden flaghen
[7r,01]Se fpreken du fcholt vns faghen
Oft du ein propheta fift
van weme du geflaghen bift
Differ fmaheit der was vil
Se hadden mit ome nidich fpil
Maria wereftu darbi
Do fe one floghen dat faghe mi
Hore nv dat ik di faghe
wu rechte jammerlike claghe

Ik was an dat hus gekomen
Do dat de jodden hadden vornomen
Se leten mi ftoten vt der dore
dar vant ik alleine vore
Marian Magdalene lopen
So rechte jammerliken ropen
Se fprak owe wer ik hir jnne
Maria leue konninghinne
we vunden ein ghat an der want
Darto fo lepe we altohant
vnd feghen al de not
De man minem fone bot
Maria van alle finem gefinde
was dar jeman mit ome jenne
Iohannes was dar ingekomen
vnd hadde petere mit fich genomen
Do de vrowe peter fach
De de dore fluten plach
Se fprak du bift der jungeren ein
Ik hebbe di ok mit ome gefein
Tohant do wart van ome vorfaghet
[7v,01]he fprak ik bin des nicht vormaghet
he gingh to dem vure geftan
Tohant do quam ein ander ghan
De fprak ome to defuluen rede
he fprak he en were io nich darmede
To dem dridden male groete on ein
he fwor he en hedde one nv gefein
Maria wat dede vnfe here
Do peter vorfok aldus fere
Do van peter dit gefchach
Min fone on do angefach
Der hanencracht wart dar gehord
Do dachte peter an de word
De he van ome horde fpreken
wu he fcolde fin vorfeken

Do he dachte vp de mere
he wart fcrigen also fere
van ruwen lep he vt der dore
Dar vant he jammerliken vore
Mi vp der ftraten lopen
fcrigen weinen vnd ropen
Do mi peter angefach
he wart fcrigen vnd sprach
Owe herteleue vrowe
Den groten jammer den ik fcowe
vnd van dinem kinde lide
De is aller werlde to wide
wu on de jodden hebbet geflaghen
dat kan neyn man di vullen faghen
Do leip peter hen van mich
vnder einen ftein vnd hodde fich
[8r,01] Maria nv lat mi vorftan
wat wart ome mer to lede dan
Hore wu do vord gefcach
des morgens do vppingh de dach
Annas hadde one hat de nacht
Do wart he to cayphas gebracht
Do me one vp de ftraten toch
fere dat ik to ome vloch
Do ik fin antlat angefach
Do en leuede ik nv fo leyden dach
fine har de weren ome afgetoghen
Bludich weren ome fine oghen
fin antlat dat was ome gewunt
Dat blot ftreich ouer finen munt
fin nefe de was ome toftod
Sine lede weren ome beblot
he was likerwis getan
Recht alfe ein vtfeftifch man
vmme finen hals ik one greip
luder ftemne dat ik reip

Owe herteleue fone
wur is nv din grote fchone
dar ik mi van to vrowende plach
wan ik din antlat angefach
Tÿodute vnd waphen
wu jammerliken biftu gefcapen
vnd biftu alfe ein deif geblind
Owe herteleue kint
Dit was de jammer den ik dreif
Do me one toch alfe einen deif
[8v,01] Maria nv berichte mi
Do de jodden dus van di
diffen groten jammer faghen
wolden fe dar wol vortraghen
Ancelme dat fcal di irbarmen
Se grepen mi bi minen armen
vnd toghen mi van minem fone
Se fpreken mi fo vil to hone
Se fcouen mi hir fe fcoeten mi dar
Se fpreken dat alopenbar
ik welde noch fo vele pranghen
Ik fcolde noch fuluen bi ome hanghen
Dat volk dat kam tofamne ghan
Alfe oft me fcolde deue han
Maria haddeftu jenghen wan
dat he den jodden mocht vntghan
Dat he fik fuluen hadde geloft
haddeftu dar to jenghen troft
Ancelme hore dat fcoltu wetten
welken troft ik han befeten
Ik hopede vp fine wifen word
van de de jodden hedden gehord
Dat he mit finen wifen reden
were quid van den jodden treden
Do he mangh de lude quam
he ftunt recht alfe ein lam

Om gingh nv word vt finem mvnde
Recht oft he nicht ſpreken kvnde
Maria nv berichte mi
was jennich hopene mer darbi
[9r,01] Ancelme du ſcolt ſin bericht
De hopene halp mi leider nicht
Ik hopede dat min leue ſone
De was ſo cleinlik vnd ſo ſchone
vnd ſo rechte ſüerlich
Sin antlat was ome mynniclich
wan ſe dat hadden angeſein
dat ome nicht quades were ſchein
dat ſe fik ſcolden ſin vnbarren
Do hadden de vnfalligen armen
Sin anlat ſo fere toſlaghen
Dat he van jammerliken plaghen
was vorwandelet alfo fere
Recht oft he malatich were
Maria wat ſcult geuen ome de joden
Dar ſe one vmme wolden doden
Ancelme hore wat ik di ſaghe
wu ſe begunden ore claghe
Se ſpreken cayphas leue here
we bringhen di einen droghenere
Van ome ſuluen horde we ſpreken
wu he wolde den tempel tobreken
wan he dar hedde nedderſlaghen
So welde he wedder binnen dren daghen
Maken heil alſe it was
Do ſprak to ome cayphas
Biftu *Christus* dat ſaghe my
Min ſone ſprak fede ik id di
So en weldeſtu des nicht gelouen
Mer gi ſcolen noch alle prouen
vnd fein mit oghen an
Dat de himel ſcal open ſtan

[9v,01] So sculle gi des minfchen fone
Bi finem vader an dem trone
Sein fitten to der vorderen hant
So sculle gi des werden wol bekant
Do cayphas dit horde vnd sach
he reit de cleider vnd sprach
Wat behoue gi tughe mere
Dit is ein recht droghenere
wat will we mit ome beghan
Se repen alle men scal one han
Do ik horde diffe rede
Mi wart so rechte lede
Dat van jammer vnd van smerte
Ein fwert fnit al dorch min herte
Do du haddeft dit gehord
wat jammers deden se ome vord
Do se hadden dit gedreuen
vnd cayphas hadde dat ordel geuen
darine on toechte scolde doden
Tohant do toghen on de jodden
To pilatus vor dat richte
Do spreken de vil bofen wichte
Pilatus herteleue here
we bringet di einen droghenere
Nv hore wat he hat gedreuen
he sprach men scolde den tins nicht geuen
dem keifer dat si di gefaghet
leue here dat si di geclaghet
Maria nv wil ik di vraghen
ik bidde dattu mi willeft faghen
Do he vor pilatus quam
waren ome de jodden alle gram
Edder was dar jeman mede
Do dar richte fine rede
[10r,01] Ancelme dat wil ik di claghen
Do we dar de jodden faghen

Den he mannich fchone teken
hadde dan bi oren feken
he leit ore lamen ghan
he leit ore doden vpftan
he leit ore blinden fein
wue mi des dat dar was nein
fe en repen algemeine
Beide de groten vnd cleine
Men fcal one an ein crufe han
he hat vns ennoch to leide gedan
wu langhe fcal de tufcher leuen
Dit was de troft den fe ome gheuen
Maria do on pilatus fach
wat was id dat he to ome fprach
Ancelmus dat wil ik di faghen
Pilatus begunde one vraghen
Na finem rike vnd we he were
Do fprak wedder vnfe here
Pilate du fcolt fin bericht
Din rike is vp der erden nicht
wunftu were min rike hir
Mine deneftlude fcolden mir
lofen wol van diner hant
Do fprak pilatus ik bin bekant
Dat proue ik wol in diner mere
Du bift ein konningh vnd ein here
Min fone fprak ik hord van di
vnd fprikft dat ik ein konningh fi
Ik bin an de werlt gekomen
vnd han de mynfscheit an mi genomen
[10v,01]Dat ik ein tuch der warheit fy
Pilatus fprak berichte my
wat is de warheit do fweich min fone
vnd hadde fines mvndes fchone
Pilatus wolde toverne vraghen
Min fone en wolde des ome nicht faghen

Maria berichte mi der rede
wurvme dat din fone fweghe
Do pilatus wolde vraghen
De warheit vnd ome nicht en wolde faghen

Ancelme dat fi di geclaghet
he hadde fo groter rede vraghen
hedde on min fone der bericht
So en were he gedodet nicht
So en hedden fe ome neine not to dreüen^v
So were de mynſche verloren bleuen
he wolde dor des mynſchen willen
Gherne fine rede stillen

Maria do dit was gefchein
Saghe wat haftu mer gefein

Pilatus ſprak to den jodden
wes wille gi diſſen mynſchen doden
Neine fcult moghe gi ome geuen
Darvme fo latet one leuen
Do repen de jodden altomale
Mit einem mycheliken grale
he heft dat lant al doretoghen
vnd hat al dat volk bedroghen
van galilea bet al here
It is ein recht droghenere
Do pilatus dat vornam
Dat he van galilea quam
herodeſe he one do fande
De was ein richter an dem lande

[11r,01]Se kiueden langhe went an de tid
Do wart vorfonet ore <n>it

Maria berichte mi der rede
wat herodes mit ome dede

Do herodes one fäch
Do en ſchude ome n^v fo leif ein dach
he horde vele van ome faghen
Darvme begunde he one vraghen

Oft he were defulue man
De lazarus leit van dode vp ftan
he vraghed en ok oft he dat ware
Darvme fin vader ouer mannighen jare
hat de kinder flaghen dot
hore wat he ok ome bot
he fprak wultu mi ein teiken wifen
Ik wil mi degher darna prifen
Dat ik di helpe van den jodden
vp dat fe di nicht en doden
Min fone fweich to aller ftunt
Do en dede nv vp finen mvnt
Do din fone dit hadde vorfweghen
wolde herodes dat wol vordreghen
Herodes de wart vullen ere
vnd befchimpede on fo rechte fere
Ein wit cleit toch he ome an
he fprak fe fcolden wedder ghan
To pilatus orem heren
he en welde fich nicht mit ome beweren
Maria nv wolde ik gherne weten
wat he hat mer befeten
Do he van herodes quam
vnd neine fcult an ome vornam
[11v,01]Do pilatus one fach
van torne he to den jodden fprach
kome gi echt mit diffem manne
Den ik jee to herodefe fande
wil gi ome dat vorgeuen
vnd laten one leuen
Men plecht doch einen vanghenen man
To dem paschen laten ghan
Nv latet one der hoctid neten
vnd latet one ghan dat wil ik iv heten
Do repen fe du fcolt one han
vnd laten barnab ghan

Maria nu lat mi vorftan
wat hadde barnabas gedan

Barnabas hadde mannich jar
de lude mordet openbar
de was mit einem morde begrepen
Dat me one scolde flepen
vnd van dem liue hebben gedan
Den so leten se do ghan

Owe ouer de bofen jodden
wurvme wolden se one doden
vnd den sculdigen laten ghan
Maria dat lat mi vorftan

Hore wu dat vord gefcach
pilatus to den jodden sprach
Gi heren ik en vinde neine scult
Do hadden de jodden grote vndult
Ik wil one laten fere flan
vnd laten one sine straten ghan
Ik en kan neine scult an ome vinden
Tohant do leten se one binden
[12r,01]vme eine fule vnd leit one flan
Darto ginghen veir starke man
wanne twene vormoder waren
So quemen de anderen here varen
vnd flogen ome so fware flaghe
Dat van jammerliker plaghe
van finem houede bet an de bein
Nicht heiles en konde an ome fein
Se deden ome ok mer to torne
Eine cronen makeden se van dorne
Do se one hadden ser geflaghen
de druckeden se ome want an sin braghen
Pilatus brachte on mangh de jodden
he sprach we en willet sin jo nicht doden
he en het iv nicht leides gedan
Se repen alle men scal one han

Dit fint clagelike word

Maria nv berichte mi vord

wu fe dat richte mit ome helen

Do fe one wolden vordelen

Ancelmus merke dit vil rechte

Pilatus de leit fine knechte

Al de ftad al vmmelopen

De fcolden dat volk tofamneropen

Se repen gi lude ghat hir nar

vnd nemet juwes richtes war

De quemen lopen algemeinen

Beide de groten vnd de cleinen

Se ginghen vor dat richte ftan

pilatus fprak nv nemet den man

[12v,01]vnd dodet one na juwer E

Altohant do repen fe

Neyn de E vorbut vns joden

dat we nemende moten doden

he fprak deme keifer dat to hone

he fprak wu he fi goddes fone

Su darto leftu one ghan

Du wilt deme keifer wedderftan

Do pilatus diffē word

van den jodden hadde hord

Dat he goddes fone were

Tohant do vrochte he fo fere

he fprak ome to mit groter lift

Nv faghe mi drade we du bift

Min fone leit one vŷfte vraghen

he fweich vnd en wolde des ome nicht faghen

he en wart des nicht van ome bericht

pilatus fprak en fprikftu nicht

En mach ik di wol laten doden

Ik mach di lofen van den jodden

Truwen maria des was genoch

Dat din fone dat vordroch

Do fik pilatus des vormal
An düssen reden proue ik dat
Datfulue heuet one vordomet
Dat he fik hat der walt beromet
Maria nu lat mi sin bericht
Antworde ome din sone icht
Min sone en kondes nicht vortraghen
he sprak pilat ik wil di saghē
de walt de du haft ouer mi
Der so en heftu nicht van di
[13r,01]Se kumpt di van deme himele nedder
Pilatus sprak to den iodden wedder
Diffe man hat neyne scult
do hadden de jodden grote vndult
Se repen alle men scā one han
he hat vns ennoch to leide dan
Do pilatus dat vornam· dat aldat volk rugende quam
vnd wolden one doden
he dwoch fik vnd sprak zo den jodden
Ik wil wesen fines dodes
vnsculdich vnd fines blodes
Se repen sin blot scā ane wan
Ouer vns vnd vnse kinder ghan
Pilatus dede der jodden willen
Do he se nicht en konde stillen
he gaf dat ordel ouer en
he sprak nu slepet one hen
Nu gi io willet one han
vnd latet barnabam den morder ghan
Maria nu saghe wat se treuen
Do dat ordel was gegeuen
HE moeste sin cruse suluen treghen
Dat was grot vnd vnvorweghen
Dat he des nicht draghen kvnde
Se nemen an derfuluen ftunde
Einen man de droch dat cruse vore

De kinder worpen one mit hore
Itlike vrowen de weinden fere
Do sprak on to vnse here
wat gha gi weinen ouer mi
Weynet dar not des weynendes fi
[13v,01]Ouer juwe kinder dar is des not
De mi so grote smaheit dot
Tohant do toghen one de jodden
Dar se one wolden doden
to caluarie an de stede
dar me one van deme liue dede
Maria wat wart ome mer gedan
do me soelde one han
Hore nu jammerlike rede
wu men minem fonen dede
Ik sach mit minen oghen leider
Dat se ome vttoghen alle sine cleider
Se dobelden we den rock behelde
Grot jammer was mi vil wol rede
Do ik one so naket sach
Do en leuede ik nu so leiden dach
Min herte en konde nicht liden
Ik ban ome vmme sin fyden
van minem houede einen tuch
Dat cruse dat he fuluen truch
Dat worpen se vp de erden nedder
Se nemen minen fonen sedder
vnd worpen one vp dat cruse dale
Dre neghele hadden se van stale
De weren grot vnd vnbehende
Twe floghen se ome dor sine hende
Mit so groten hamerflagen
hore wat ik di nu wil clagen
Do he bi den armen was gehanghen
De vote en konden ome nicht langhen
dat hol en konden se nicht reken

Dar de neghele scolden fteken
[14r,01]Se bunden fele *vmme* fine beyn
darbi begunden fe one teyn
So fere dat ome de hande reten
Du fcolt ok vorware weten
Ome knakeden alle fine fenen
Ok tebetten ome de tenen
Sin *tunghe* an dem *mvnde*
Do quam an derfuluen *ftunde*
Simonis ~~at~~ fwert al dor min herte
van der *jammerliken* *fmerte*
Maria dit fint *fware rede*
[n]v *faghe* wat me vorbat *dede*
Se alle richten vp mit groter not
Dat crufe want it was fo grot
Dat fe des nicht lichte konden boren
Dar en moſte vele lude tohoren
Do fe dat hadden vpgebord *vnd* richt
Do konde ik leider nicht
Mines fones vote langhen
want he was fo hoghe hanghen
Bi dem crufe ik ftunt an groter not
vt finen wunden *quam* dat blot
Entlangh dat crufe neddervleten
vnd wolde vp de erden geten
So dat min oghen *faghen* an
Dat fin blot darnedder ran
Tohant do was ik dar bereit
vnd heilt darvore min gecleit
Vnd leit it lopen an minen *fcot*
Do worden mine cleider rot
De vore hadden wit gewefen
we mi anfach deme mochte grefen
So *jammerliken* was ik belopen
[14v,01]van finen heilighen blodes dropen
Maria wat wart dar mer *gedan*

do fe hadden dit beghan

Hore nv jammerlike rede
wu vil dat me ome to leide dede
twene morder weren dar geuanghen
Darzwifchen hadden fe one hanghen
De fpreken ome ore fnoden rede
he en moſte wefen nicht mit vrede
De dar was to der lvchteren hant
De fprak ome to biftu gefant
hirnedder van deme ouerften trone
Biftu des leuendigen goddes fone
So make di funt vnd os darmede
Do antwordem vp fine rede
De ander morder mit der vart
De to der anderen hant gehanghen wart
he fprak en heftu neine var
Sint dat we fint openbar
vp morde he grepen vnd vanghen
vnd an diffen galgen gehanghen
Dat god dat wil an di wreken
wes wiltu diffe rede fpreken
her ift vnſculdich hirto gekomen
Nv boſheit wart van ome vornomen
he fprak herteleue here wan du komeft
an dinef vader ere
So irbarme dich ouer mi
Min fone fprak ik ſaghe di
du ſcolt hūte funder pin
Mit mi an der vroude ſin

Maria nv lat mi vord vorftan

wat wart ome mer gedan

[15r,01]Hore wat me do mit ome dreif
Pilatus de ſcreif einen breif
In den breif fo hadde he ſcreuen
De ſcult de ome de jodden geuen
Ihefus de is ein konningh der jodden

Darvme fo latet fe one doden
Do de iodden dat vornamen
To pilatefe dat fe quamen
fe fpreken ome to we biddet di
Scrif nicht dat he vnfe konningh fi
Mer fcrif dat he dat hedde fproken
he were ein konningh dat hebbe we wroken
Pilatus fprak it is gebleuen· wat ik fcreif
dat is gefcreuen
he leit neghelen bouen fin houet
Den breif vp dat dat worde geprouet
vor welke fcult dat one de jodden
leiten jammerliken doden
Maria nv faghe wat fe dreuen
Do diffe breif was aldus gefcreuen
De jodden ginghen vor one ftan
hore wu fe one repen an
Biftu des leuendigen goddes fone
An de erden komen van deme trone
So ftich hir van deme crufe nedder
So wil we di louen fedder
Do fe hadden dit gedan
Min fone reip finen vader an
he bat dat he one wolde vorgeuen
Se en wiften nicht wat dat fe dreuen
Maria nv wolde ik gherne weeten
wer hadde din fone diner vorgheeten
[15v,01]Dat he di nicht to en fprach
Do he di jammerliken fach
Ancelme dat fcoltu vorftan
ome wart fo vil to leide dan
he en konde hebben nv de ftunde
Dat he mi icht tofpreken kunde
Mer do he mi fach vor fik ftan
dat ik was jammerliken getan
vnd was bedropet mit dem blode

he fprak mi to mit fachtē mode
Maria leue Maria min
Du fcolt vaft an dem louen fin
Du en fcolt nicht fin vorfaghet
wente du wereft ein reine maghet
Do ik van dem himele quam
vnd de mynfcheit van di nam
van deme heilighen gheifte wart ik vntfangen
Allein dat ik bin hire gehanghen
Ik bin doch fchipper vnd god
Ik bin van dinem liue vot
Du bift min moter ik bin din fone
Min vader de is an dem trone
Darvme denck an mine fmerte
vnd hebbe ein vil ftede herte
Du en fcolt neinen twiuel han
Ik wil di nicht vorderuen lan
Maria nv faghe mi wu di were
do he di trofte aldus fere
Do du haddeft dit gehord
Gheueftu ome wedder jenghe word
Ancelme proue wu fcolde ik fpreken
Min herte wolde mi tobreken
[16r,01]Ik fprak herteleue fone
hebbe diner moter fchone
vnd lat mi mit di fteruen
wat mach ik mer vp der erden weruen
Min leue kint nv denck an mi
vnd lat mi dot bliuen mit di
wurvme wultu mi lengh fparen
lat mi mit di henne varen
Scal ik fone din vnberen
Min leue fone to weme fcal ik mi denne keren
Min leue fone nv irbarme di
vnd lat des geneten mi
Du haft mine brufte foghen

Ik hebbe di leflik vpgetoghen
Du wereft jo min leitvortrif
wat fcal ik nv vil arme wif
Scal ik nv alleine qualen
weme wiltu fone mir beualen
Ancelme ik dreif fo grote claghe
Vele mer wen ik di faghe
Du faghe mi wat din fone fprach
Do he di fus drouich fach
des fcoltu berichten mi
weme hat he beuolen di
Ancelme des fi du bericht
he en leit mi vnbeuolen nicht
Nv mochteftu horen wu he fprach
Do he *iohannes* bi mi fach
he fprak leue vrowe myn
Iohannes fcal din fone fin
Ik en kan mit di nicht lengh bliuen
[16v,01]De dot wel mi van *hinnen* driuen
Du en fcolt nenen twiuel han
Ik wil di nicht vorderuen lan
Ik lat di nicht vnderweghen
Du haft mi vp den armen dreghen
Du bift min moter vnd ik din fone
Du fcolt noch an dem ouerften trone
Sitten to mir vorderen hant
he fprak *iohannes* nv fi bekant
vnd denck daran dat dik nvman
Alfo rechte lef en wan
Maria fcal din moter fin
Nv nim fe an de hote din
Du fcolt fe mi wol bewaren
Ik mot nv van *hinnen* varen
Mer leue *iohannes* do du bi mi
Rechte alfe ik to loue di
vnd gif er jo guden troft

Se fcal drade fin geloft
hirmede he fich van vñ wende
vnd gaf der rede ein ende
Maria dit han ik wol vorftan
Nv faghe wat wart dar mer gedan
Hore nv jammerlike claghe
It was bi dem middendaghe
de funne de vorlos den fchin
Do fprak de leue fone min
Mit luder ftemne hely
Hely lamabatany
Dat is min vader vnd myn god
Min leue vader vmme wat
[17r,01]Haftu mi fus fere vorteghen
Des konden de jodden nicht vordreghen
Se ginghen alle vor one ftan
Se fpreken he ropt heliafe an
Nv lat fein wat helias doghe
wer he one vns icht nemen moghe
Mi dorftet fprak min fone do
Des worden al de jodden vro
Et was one do vil wol geuallen
Etich mengeden fe do mit gallen
Se reckeden ome to finem mvnde
he fprak to derfuluen ftunde
Do he hadde den dranck vorfoch
Nv is alle dingh vullenbrocht
Do neghede he fin houet dale
he fprak vader ik beuale
Minen gheift an de hande din
Darmede vor fin fele van hin
Maria weftu dar icht af
do din fone den geift vp ghaf
Nv berichte mi der rede
Oft he jennich teken dede
Ancelme hore dat fcoltu merken

dar hangede ein laken an der kerken
Dat toreit *vnd* vel darnedder
De doden lude quemen wedder
De ftoruen weren ouer mannich jar
de ginghen an de ftad openbar
De erde beuede *vnd* de fteine
De toretten algemeine
Maria *nv* lat mi vord vorftan
wat wart dar mere beghan
[17v,01]Hore *nv* jammerlike word
wu de jodden voren vord
To pilatus dar fe treden
Sere dat fe one beden
Dat he on de doden lude ghaue
dat fe fe hodden an dem graue
Dat fe an oren pafche daghen
Neinen *kvmmer* an on en faghen
Pilatus fprak to oren reden
he ghondes wol dat fe et deden
Do quemen de jodden heretein
vnd tobreken den morderen ore bein
Do fe to *minem* fone quamen
Vnd one dot vornamen
Se en breken ome nicht de bein
Mer der ritter quam dar ein
De het longinus *vnd* was blint
Der ftak min herteleue kint
Min einem fpere dorch fin herte
Ik fprak van *jammerliker* fmerte
Owe *jammer* owe leit
Owe *vn*barmherticheit
wurvmme driue gi diffe not
vnd was he leider langhe dot
wat is dat gi an ome wreken
Dat gi one dorch fin herte fteken
wil gi ome don to leide mere

So neghet here juwe spere
vnd dodet de moter mit dem kinde
So hebbe gi dot al fin gefinde
Ancelme dit scrif an dinen breif
[18r,01]Dit was de jammer den ik dreif
Maria dit hebbe ik wol gehord
wultu mi berichten vord
wu he fi van deme crufe nomen
vnd to der erden komen
Ancelme dat scoltu wetten
Ein de was Josef geheten
de was ein goddeuorchtich man
de was to pilatus geghan
he sprak pilatus leue here
Ik bidde di so rechte sere
Dat we *Jesum* grauen moten
Sin schone moter wel vorwoten
Den jammer vnd dat herteleit
de is so grot den se begheit
se drift so claghelike not
he en werde grauen se sterft dot
Pilatese deme vorwunderde sere
Oft he alrede storuen were
he sprak he scolde orlof hauen
Dat he one wol moeste grauen
do on dat orlof was gegeuen
Saghe wu se do ore dingh dreuen
Ancelme dat scal di vnbarmen
Josef de steich to sinen armen
Einen hamer hadde he an der hant
dar he de neghele mede vtwant
Se weren michil vnd grot
he toch se vt mit groter not
Do ik dat sach mit minen oghen
Dat de neghele weren vtgetoghen
[18v,01]vnd wolde hirnedder gliden

Ek greip one *vmme* fine fiden
vnd vor ome vor finen mvnt
Mer wan to dufent ftunt
Do fine vote weren los
wu drade ik de erden kos
vnd leghede one an minen fchot
Sin lif dat was van blode rod
Ik dreif fo *jammerlike* not
van ruwen wolde ik fteruen dot
Ik fprak herteleue fone
wur is nv din grote fchone
Dar ik mi jo to to vrowende plach
Owe di vil mortlike dach
Dat ik iv di fcolde leuen
Nv mot ik trostes mi begheuen
Maria nv wolde ik fin bericht
Noygeden fich de *jungheren* icht
Ancelme alfo rechte fere
Se en hadden nein gelat ofte bere
Se weren angeftes alfo vul
van vrochten weren fe alle dul
Johannees de quam herelopen
So rechte *jammerliken* ropen
he vel ome vp fine bruft
Do he dicke hadde kuft
he fprak herteleue here
Owe nv vnd *jummermere*
wu *jammerliken* biftu fcapen
Tauende do ik wart vntflapen
vp diner bruft do gaf din herte
Soten dranck nv gift it fmerte
Peter de dreif grote not
[19r,01]he reip here owe wer ik dot
leue here vorgif it mi
Dat ik vorfeket hebbe di
Maria Magdalene quam

vmme finen hals fe one nam
Se fprak owe leue here
Se treuen *jammer vnd fwere*
wes haftu vns laten ouerbleuen
De jodden en latet vns doch nicht leuen
Ancelme den *jammer den fe dreuen*
Des fo en vint me nerghen fcreuen
Maria dit fin fware word
De ik nv han van di gehord
De en horde ik nicht al mine daghe
Bericht mi des ik di vraghe
haftu jenge not befeten
Do me one grof dat wolde ik wetten
Ancelme dat fcoltu vorftan
de grote not de ftunt noch an
Do fe one grauen wolden
Ik fprak ik welde one beholden
Ik welde dot bi ome bliuen
Se fcolden mi dar er vntliuen
Er he worde mi genomen
he en were mi fo nicht anekomen
Do johannes dit vornam
vil drade he to mi quam
he fprak maria ik bidde di
Dattu willeft ftaden mi
Dat ik graue minen heren
We motten leider fin vnberen
[19v,01]Du weift it vele bat wan ich
dat he fuluen wolde fich
In diffem daghe laten doden
Jammerliken van den jodden
Ok weftu dat he wel vpftan
vnd wel vns nicht vorderuen lan
Darvmme fo lat on an de erde
Grauen dat he vns nicht genomen werde
Maria nv wolde ik fin bericht

Twideftu johannes icht

Ich antworde vp fine rede
Ik fprak wes deiftu mi dus lede
Johannes lat de rede bliuen
vnd lat mi minen kvmben driuen
Du moft mi wol mit vrede lan
Mi is doch ennoch to lede dan
De jungeren queme alle here
vnd beden mi fo rechte fere
Dat ik toleften orlof gaf
dat fe one legheden an dat graf
Do he an dem graue lach
Ik vor dar to ome vnd fprach
Gi heren latet jv irbarmen
vnd grauet mi vil armen
Bi min kint des dot mi not
Ik fterue doch van ruwen dot
Do dit do was ouerlangh
fe toghen mi do an minen dangh
van dem graue ane were
Do weinde ik fo rechte fere
[20r,01]Se worpen ome den ftein vp fin lif
do weinde ik vnd fprak ik arme wif
latet mi noch eines one fein
Er de michelike fein
werde vp min kint gelecht
Anderwarue leip ik echt
Vp dat graf do en fach ik nicht
It was leider al berich

Maria nv berichte mi

wu langhe bleueftu darbi

Dar din fone grauen wart
vortegheftu finer mit der vart
Ancelme hore wu ik dede
Ik gingh ligghen vp de ftede
Dar min fone vnder lach

wu jammerliken dat ik sprach
Gi heren ik bidde iv alghemei<n>e
Dat gi laten mi allein
vp mines kindes graue bliuen
vnd laten mi minen kvmmmer driuen
Dar en moghe gi nicht biftan
Darvme bidde ik dat gi ghan
Ik wil weinen vnd schrien
Des en wil ik nicht vortigen
Ik en fi hir ftoruen dot
Do toghen fe mi mit groter not
Jammerliken an de ftad
God weit wol wat ik befat
Mine cleider weren van blode rod
van deme dat van deme crufe god
[20v,01]Do mi dat volk angefach
Dat meifte deil der vrowen sprach
O milde god van himmelrich
Nv en wart grotter vngelich
vrefchet in alle diffem lande
So bi diffem junghen manne
vnd an diffen vrowen is gefchein
Nū werlde wart de kvmmmer fein
Ancelme hore dit fcoltu wetten
dit hat min fone vnd ik befeten
Dit fcoltu vil degher fcriuen
Ik fcal mit di nicht lengh bliuen
Du fcolt it allen luden faghen
alle de id willet vraghen
Se moghen prouen an diffen reden
wat min fone hat geleden
Du fcolt ok des namen neten
Ancelmus fcal de paffio heten
Explicit hoc totum et [in]funde da michi potum
Explicit liber ifte fic laus et gloria *Christe*
Non bene doctus erit qui semper ludere quaerit

Nicht lat

Non *bene* doctus erit

Non *bene* doctus erit *qui* *femper* ludere *quaerit*

Minen willighen denft to voren wetten fcul